

JANUARY & CARNIVAL SPECIALS pa compra cash di Afls. 100,- pariba ta duna 20% OFF ariba: Door Locks, Swing Gates, Interior & Exterior Doors, Wheelbarrows, Garden Tools, Heavy Bucket Tub & Feeder, "Pettit" Marine Paints, "Dap" Quick Plug Hydraulic Cements, "Sopro" Tile Cement, Batu Band, "Crossco" ES-2000 Primer & Silicone Coat, "Sashco" Roof Sealer, "Crossco" Concrete Remover, Aluzinc Roof Panels, Lumber, "Bista Bonita" Alum. Windows, "Alko" Alum. Doors, Plywood, Iron Bars, Binding & Chicken Wires, Gas. Cans, Glue & Contact Cements (Except "Bison") Gun Tackers & Staplers Glue Guns, Masking Tape, Wood Dowels, Casters & Wheels, Spray Paints, PVC Gutters, Suction & Discharge Hoses. 15% OFF ariba: "Arvefa" Paints, "Chapin" Sprayers, BBQ Grills & Accessories, Air Rifles & Pistols, Bath Towels, Bed Sheets, Bath Mats, Shower Curtains, Ironing Tables, Gift Certificates, Water Coolers & Ice Chests. **BRENCHIE'S O'STAD - DAKOTA - PONTON - SAN NICOLAS - Call Center 528-4250** "Na unda abo semper ta #1"

Segun su director:

Parke Nacional Arikok lo bira un model den henter area di Caribe

ORANJESTAD (AAN): Manera nos a trece dilanti den un otro articulo, Parke Nacional Arikok ta bat keda cla e aña aki cu un proyecto cu a bin ta tumando lugar for di aña 1997, pero cu awor na 2008 ta bay mira esaki finaliza.

Den entrevista cu Sr. Ambrosio "Booshi" Curiel, director di Parke Nacional Arikok, e prome ideanan pa bin cu e proyecto aki a bin dilanti mas o menos 20 of 25 aña pasa door di varios ambientalista. A bisa cu un ingeniero cu ta Paul Denkers cu a traha su tesis riba dje, a cuminsa cu Cunucu Arikok despues a amplie y hopi hende a traha na e proyecto aki.

E proyecto aki, for di 1997 tabata muestra di un proyecto dirigi completamente ariba naturaleza: spa - preserva, cuida, promove y educa e pueblo riba naturaleza. A ser designa 34 kilometer cuadra di tereno, pero ora cu Union Europeo a dicidi cu e ta bay regala Aruba structura di e parke, eña a scoge pa e bira un model pa e region y nan a bin cu un proyecto hopi grandi cu actualmente e ta yega mas di 14 miyon Florin, a laga sa.

A indica cu nan a haya un structura hopi bon, un edificio grandi di riba 600 pa 800 meter cuadra. Eynan e pregunta di bishita bin si naturaleza ta keda e punto principal, pero mester bin un desaroyo economico acerca pa mantene e 14,4 miyon ey y eybanda e saltpeter ta hopi haltu y mester di extra man-tencion. Loke normalmente ta 3 aña mester worde haci den un aña y mey. E caminda pa mantene su structura bon e mester worde manteni y e producto cu ta bay pone riba dje cu yama bitumen cu

ta un sorto di asfalt, bo mester mantene.

E material aki tin un garantia di 7 pa 8 aña. Si e caminda so a costa 7 miyon Florin, si coy full e structura y 2 miyon lo ta e capa so cu mester worde renova den 6 pa 7 aña, e ora mester reserva un suma basta bon pa aña pa ora esaki worde renova cierto momento, sino tur e bunita y e grandeza cu e parke tin ta bay perdi back den un par di aña, a splica.

Door di esey, actualmente tin estudionan tumando lugar y tambe cu yudanza di Union Europeo ta worde traha un sorto di business plan y tin mas hende cu ta haci estudionan ecologico pa tin un balance entre e desaroyo financiero-economico y e meta di e parke pa loka ta trata naturaleza, a manifesta.

Den esey ta bin estudionan cu ta bisa cu por ehemplo, no por hacie un Disney World Park, un free for all pa mantene. A enfatiza cu e meta principal ta pa preserva naturaleza y desaroye ta keda pero mester bin un desaroyo economico pa cubri y mantene e parke na e nivel cu e lo ta na 2008 y asina haya e bishitantenan di un forma controla y structura.

Segun Sr. Curiel di e forma aki Aruba por bira un model den e area di Caribe pa loka ta un parke nacional cu su dos desaroyonan banda di otro y tog den un balance cu ni un no ta perhudica otro.

A agrega cu nan prome pasonan cu nan lo bay tuma ta haci propaganda pa cu e parke pa haya e hendenan cu ta bishita Aruba pa nan dedica algun dia pa keda na e parke. Facilidatnan den e parke y acceso na tur e puntonan interesante ta wordo structura bon. Pesey extra

fondo ta bin pa tur e localidatnan den e parke wordo demarca.

A aña di tambe cu nan tin bon cooperacion di DIP cu ta yuda nan cu e mapanan.

Tambe tin compra caba aparatonan GPS cu ta bay traha riba nan mes y nan ta bay indica unda cierto cueva ta keda of unda cierto matanan interesante ta ubica. A base di indicacionnan asina por yega na diferente caminda.


E parti interesante di e parke ta cu na 1997, cu a ser traha e documento special pa e parke. A segmenta e parke den tres pida. E tres pida ta e parti Noord, Central y Zuid. E parti Noord ta keda completamente dedica pa naturaleza, caminda tin vereda y lugar pa cabay pasa bao guia di e rangersnan. Parti Zuid igual, a expresa.

Pa loka ta parti Central, a lague cu por bin desaroyonan, entre otro e business center lo bin eynan, e caminda cu e autonan por pasa tambe lo bin eynan. Banda di esaki lo por traha un mirador, probablemente restaurant, kiosco, y for di esey pa genera entrada cu por cubri pa e parke, a manifesta.

Den esaki, decisionnan mester cay ainda di parti di directiva hunto cu e dirigen-tenan y gobierno probablemente aden riba ta bay sosode cu e destinacionnan fijo cu tin den parke.

Actualmente e parke tin un promedio di 12 entrada, pero proximamente, na final ta bay haya dos entrada so, esun na Vader Piet y na San Fuego. E otronan tin lo wordo cera y e otronan lo keda cu cadena pa ora di emergencia, a bisa.

Cuatro luna prome cu e



parke ta habri, ya tur e aspectonan aki mester ta tuma, tur hende sa kico nan lo mester atene nan mes y tambe e cambio cu nan ta aden, esta cu parke lo wordo usa practicamente door di tur hende, pero respetando e ley cu ta bisa cu e parke ta

wordo restringi na cierto actividadnan.

Relaciona cu esaki a señala cu nan ta bezig cune cu e cambio y tur cambio ta trece su protestanan, pero cu bon informacion y dedicacion lo surpasa e parti ey.